

根本說一切有部毗奈耶卷第三十 優十

唐三藏法師義淨奉 制譯

故放身坐卧脫脚牀學處第十八

爾時薄伽梵在室羅伐城逝多林給孤獨園時具壽鄖波難陀至彼衆多少年苾芻處勸

優十
喻曰汝等共我人間遊行必當降伏他宗自獲名稱汝等若欲讀誦禪思及以衣食病緣

所須皆令無缺時諸少年雖聞此勸共知鄖波難陀稟性惡行不堪共居竟無一人許共同去時有乞食苾芻聞其覓伴遂告鄖波難

陀曰我共大德人間遊行有同行人報乞食者曰此鄖波難陀爲人惡行汝今隨去必遭惱觸遂報同梵行者曰我滿十夏不依止他亦不就彼求受學業彼於我處欲何所爲知識報曰不相用語後自當知不受勸言遂與

同去出至界外時鄖波難陀報云乞食者汝可爲我擎持衣袋吾年衰朽且宜相助乞食者答曰大德豈可不見佛法僧寶勝妙福田持以奉施而多畜此生惱物耶報乞食者曰我遣擎物汝不肯持亦未乖理然汝非我二師輒相訶責斯真合耶時鄖波難陀便作是念此乞食者未須與語且忍共去後自當知遂漸遊行至一聚落即於林外詣井池邊俱共憩息村中有寺打捷椎聲時乞食者既聞聲已報言大德寺鳴捷椎我欲往看報言具壽此乃多是黑鉢之類嬾修善品鳴捷椎集僧別有作務我等既疲道路誰能共彼執作乞食者曰或是分利捷椎我既及界理合得之鄖波難陀曰汝宜可去若是分利捷椎者亦取我分答云如是遂至寺中問知乃是分卧

具犍椎主人苾芻報云阿瑜率漫宜受卧具
報言我有大者亦爲受不問彼是誰報云是
大德鄖波難陀答曰彼人衆所識知亦爲取
分即使兩人卧具皆悉受之時鄖波難陀在
於井處廣問諸人兼爲說法具如前說諸人

後一

二

既散時景將曛便入寺中高聲大喚彼乞食
者在閣下房閉戶而卧聞喚聲已報言大德
何爲高聲我於上房已爲敷置眠卧之具及
洗足物並在一邊就彼應卧報言乞食者可
爲開房欲有商度彼作是念若容入房乃至
天明言未能了我今宜卧不與開門報言大
德我行疲極無暇商量設有平章待至天曉
時鄖波難陀知其意止不爲開門即向上房
洗足入室問曰得塗足油安在何處報曰近
在牀邊鄖波難陀善知聲相觀其卧處即移

牀脚安彼頭邊放身而坐令牀脚脫打破彼
頭報云大德打破我頭極爲苦痛鄖波難陀
報云乞食者何故頭破彼作是念我若苦言
或容更打即默爾而住至天曉已便往就別
報言大德我今欲去問曰汝欲何之答曰向
室羅伐城報云且住我當給汝病藥所須答
言大德我本無病故破我頭設更有疾豈能
瞻養說是語已捨之而去還逝多林時同梵
行者見唱善來問安樂不報言被打頭破何
有安樂具以緣告時諸苾芻聞是事已共生

後一

三

嫌賤云何苾芻在上棚卧知脫脚牀放身而
坐令牀脚脫打破他頭以此因緣具白世尊
世尊集衆問鄖波難陀曰實作如是惱亂事
不白言實爾世尊種種訶責廣說乃至爲諸
苾芻制其學處應如是說

若復苾芻於僧住處知重房棚上脫腳牀及餘坐物放身坐卧者波逸底迦

若復苾芻者謂駄波難陀餘義如上僧住處者亦如上知者或時自作或被他教重房者謂居重閣危朽棚上脫腳牀者謂此牀脚不連上蓋及餘諸座放身坐卧者謂極縱身或坐或卧故令脚出傷損他人波逸底迦者廣釋如上此中犯相其事云何若苾芻知僧房舍有脫脚牀縱身坐卧欲惱他者皆得墮罪若是板棚或是軋地或脚以板支或時仰著此皆無犯又無犯者謂最初犯人或癡狂心亂痛惱所纏

用蟲水學處第十九

佛在憍闍毘舍離國爾時具壽闍陀以有蟲水澆草土牛糞等諸必芻見告云具壽闍

陀勿以有蟲水澆草土牛糞等闍陀報曰宣諸生命我喚將來豈復有人數以相付豈可欲去我不聽行四海寬長因何不去江河池沼蓋甕鉢坑何不走入諸有少欲苾芻聞是語已共生嫌賤云何苾芻以有蟲水將澆草等自作使人不顧生命時諸苾芻以緣白佛佛以此緣集諸苾芻問闍陀曰汝實用蟲水及以教人澆草等耶實爾大德世尊以種種訶責非出家人所應作事讚歎少欲尊重戒者廣說如前乃至制其學處應如是說

若復苾芻知水有蟲自澆草土若和牛糞及教人澆者波逸底迦

若復苾芻者謂是闍陀餘義如上知者或自知或他告語水謂井池等水蟲有二種一爲眼所見二爲羅所得若自用若使他澆草澆

土若和牛糞等者得波逸底迦義如上說此中犯相其事云何若苾芻於有蟲水作有蟲想若自用若教人用澆草等得波逸底迦疑亦如是若水無蟲作有蟲想用時得惡作罪疑亦如是若苾芻河池水處多有蟲魚苾芻

殺心決去其水隨有蟲魚命斷之時皆得墮罪若不死者皆得惡作若於此水處堰之今斷於其下畔隨蟲命斷或時不死得罪同前若無殺心者無犯又無犯者謂最初犯人或癡狂心亂痛惱所纏

造大寺過限學處第二十

佛在憍門毗瞿師羅園爾時六衆苾芻每於他寺生輕賤心作如是語此寺崩墮猶如客舍象馬之廄諸苾芻聞已告言具壽仁等於他住處得便居止而自不能安一基石依他

卷十

五

處所強作譏嫌六衆聞已時難陀鶯波難陀共相告曰我等常被諸黑鉢類之所欺輕云汝恒居他寺自無居止乃至一石不能安置我等今應共造一寺令諸黑鉢曾所未覩于時難陀告鶯波難陀曰若我六人皆營作者

諸餘黑鉢得我瑕釁作如是說六衆苾芻不修善品悉皆營作我等所有施食之家勸令心變我等宜應於六人內揀取一人識性聰敏善解說法能令細針引入魔杖我等六人誰能如是邬波難陀曰具壽闍陀衆所識知辯才無礙能作如是針杖相隨阿說迦曰若是者應可詳去共請其人勸爲授事即便詳去告闍陀曰具壽當知我等常被諸黑鉢者之所欺弄而云我輩恒居他寺多生譏恥乃至不能自安一石今應共造一寺令諸黑

鉢曾未見聞我等共營恐招議議云往時六衆今作傭人具陳可不共請之曰大德仁可發勇猛志作授事人爲諸僧伽造一住處報云善哉既是勝田我當爲作子時闡陀受衆勸已即便洗足入己房中結跏而坐通宵不寐作如是念以何方便我爲僧伽能建大寺復更思惟今此世間人天諸衆於世尊所普生敬信彼某甲家於馬勝所偏生敬信彼家於吠陀羅所彼家於婆澁波所彼家於大名所彼家於滿慈所彼家於無垢所彼家於牛王所彼家於舍利子所彼家於大目連所如是及餘諸大苾芻皆有施主別生敬信我既無別施主當憑告誰而能造寺時此城中有一長者大富多財稟性慳惜乃至滌器濁水亦不惠人若能化彼令生信敬可爲僧伽造

成大寺是時闡陀至天明已著衣持鉢入橋閃毗而行乞食先於餘家乞得麪已便詣彼長者家欲入其舍時守門者告言聖者此是大長者家無宜輒入闡陀報曰如佛世尊乞食之人但遮五處一唱令家二姪女家三酷酒家四旃荼羅家五王家豈可此家是前五種時守門人報言聖者大爲譏弄此非唱令乃至王家然是某甲長者之宅仁不須入是時闡陀便作是念求執衣裾尚不聽近欲求餘物其可得乎于時有一長者新誕孩兒爲大歡慶奏諸鼓樂多將舞者在門前過彼守門者貪觀妓樂便離其門是時闡陀即便竊入時彼具壽威儀庠序如離欲人長者遙見告曰善來大德闡陀宜於此坐暫時居止而言談由緒未得其便告長者曰我已巡門乞

得片麪仁可爲羅長者告婢可爲羅麪其婢爲羅是時闡陀觀所羅麪長者問曰仁何所觀闡陀告曰我欲觀蟲若有蟲者我不應食長者報曰若食蟲者當有何過報曰如世尊言若殺生者由數習故身壞命終墮於地獄

優十

十

餓鬼傍生受諸苦惱設生人中短命多病然闡陀苾芻妙閑三藏得無礙辯善識時宜應機說法即爲長者宣說法要讚修十善毀行十惡時彼長者既聞法已心生敬信即便入舍令辦種種上妙飲食并諸異味盛滿槃器持來供奉闡陀見已即使生念我聞木釜一煮便休若受此施即爲前食亦爲後供而告之曰施主我已受得他所施麪豈容見棄敢美食耶長者曰我等俗法先得麪食後逢美妙棄前惡食實無憊咎闡陀報曰長者俗人

無戒隨意所爲我受戒品豈得同彼受他信施輒輕棄耶是時長者聞此語已倍生深信闡陀即便見辭而去長者告曰大德於時時間賜過我舍即便報曰我實欲得數數相過而守門人猶如暴惡琰摩獄卒不聽前進于時長者喚守門人告云汝見聖者闡陀入時不應遮止答曰依教是時闡陀便即思念若更有餘黑鉢者入不識機宜令其失信我今宜可預設方便不令其入報守門者曰咄男子汝今知不此家長者我以大緣令其敬信門人報曰我已知之告云汝從今後勿令諸餘黑鉢之輩輒入此門若放入者我令長者與汝重杖替以別人彼便報曰仁入此門非我所欲豈令餘者而輒進耶請勿爲慮是時闡陀於時時間來詣其舍爲長者夫婦宣揚

妙法今受三歸持五學處時長者報曰聖者若於資緣有所須者於我家中隨意當取請勿爲外于時聞陀雖聞此告一無所受後於異時來過其宅爲彼長者讚說七種有事福業長者聞說福利深生歡喜白聞陀曰聖者我今欲修有事福業答言賢首今正是時隨意當作長者曰欲作何事聞陀報曰可爲衆僧營造住處長者便念我已屢將家資奉施乃至縷線曾不見受今時雖許復爲衆僧觀此知足我深敬重白言大德今我舍內多有財物得爲僧伽造立住處然無助我檢校之人聞陀報曰我願助汝成斯福事于時聞陀報長者曰仁今當往詣僧伽處諮問大衆求請我作檢校之人長者報云善哉我去即與聞陀相隨向寺入大衆中禮僧足已敬白大

衆此聖者聞陀樂爲衆僧興造住處我爲施主幸願僧伽慈悲聽許差作授事人爾時舍利子爲衆上座見長者請便作是念此六衆輩比不被差常惱僧衆況今差遣相惱不疑報言具壽聞陀我昔營造逝多園林誰復差我具壽大唯陀造此瞿師羅園亦是誰差作汝若欲爲衆僧造住處者當自檢校何待衆差聞陀聞已便作是念黑鉢之徒不欲見我何況差許爲授事人衆既不差便共長者俱時起去詣長者家多取錢物徃作勦人處告

賢十
云賢首汝等豈能於一日中以成熟勦造三層寺一百口房不勦匠答曰若多與錢物衆人共爲此應可辦即隨索多少給與其錢次八二二
九刻削熟勦造三層寺不次向木匠處告云賢

首汝等豈能於一日中總集諸木造三層寺
不次向泥匠及畫工處各隨所作問答同前
次復多見傭力之人將入寺中併功相助造
三層寺一日便成然造寺時下無水竇上無
泄渠戶中窓牖皆不安置無疎通處形若方
篇但有小門纔通出入營造既訖便往至彼
長者之家報云長者造寺已成應爲慶讚長
者答曰今時不辦明日當作爾時世尊便作
是念六衆闡陀所造之寺於後夜分必定崩
隤若我及僧衆不爲受用所造寺者彼之施
主見寺崩壞生大懊惱必歐熱血而取命終
世尊告阿難陀曰汝今宜於瞿師羅園諸苾
芻處而告之曰汝諸苾芻我每爲說密修善
行發露衆罪汝等若有獲得勝定當以定力
於初夜分往詣闡陀所造寺中各修善品時

阿難陀奉佛教已告諸苾芻曰諸具壽世尊
有教我每爲說密修善行發露衆罪汝等若
有獲得勝定當以定力於初夜分往詣闡陀
所造寺中各修善品時諸苾芻聞是語已得
勝定者如佛所教往彼寺中隨修善品世尊
便於半夜亦往寺中起世俗心諸佛常法若
起世俗心者帝釋諸天悉皆知意是時帝釋
諸天來詣佛所禮佛足已在一面坐佛爲宣
說諸法無常禮佛足已忽然不現時諸苾芻
與佛俱去至後夜時四面雲起風驚雷震便

下大雨滿彼寺中形如大篋水無出處其水
優十
浸漬寺便崩倒至天明已六衆聞之總生惶
怖悉皆逃走時彼施主即於是日車載種種
上妙飲食來詣寺所欲伸慶讚問苾芻曰我
所造寺何者是耶有一苾芻晚暮出家與彼

六衆先有瑕隙報長者曰此是汝等猶如駱
駝蹲伏崩倒汝須存意入已寺中勿令門額
觸汝頭髮長者見已作如是念我捨珍財其
數無量未曾受用遂見崩墮即便懊惱悶絕
于地時諸親族以冷水灑面得少蘇息世尊
爾時命具壽阿難陀曰汝今宜往告彼長者
曰多有施主奉爲如來造立房舍然佛世尊
竟不受用於彼施主福亦隨生何況汝寺於
初夜時有耆宿德行苾芻皆入受用於後夜
分世尊自往及帝釋諸天皆來雲集入汝寺
中共爲受用宣說妙法汝之福利無量無邊
當須歡喜勿爲憂悒時阿難陀奉佛教已諸
長者所具以佛語告之長者聞已白阿難曰
大德世尊大悲入我寺中爲受用耶阿難陀
曰已爲受用長者曰大德若佛世尊入我寺

中已爲受用者我能日日奉爲世尊造斯住
處爾時長者問諸人曰我善知識六衆苾芻
今在何處六衆傳聞長者見問皆疾來至到
長者所長者即便請其食已便以新麪人奉
一張苾芻所須資具之物隨意供給時諸苾
芻見是事已報六衆曰仁等能爲長者造立
大寺實是牢固六衆答曰汝何見譏我等六
人能令長者深生敬信雖復損失財物然於
我等敬信彌隆供以上餐人奉一麪沙門資
具隨意當給其少欲苾芻聞是語已共生嫌
賤云何六衆苾芻於所作事理應羞恥反更
自高時諸苾芻即以此緣具白世尊世尊集
僧告六衆曰汝等實作如是不端嚴事耶六
衆白言實爾大德世尊以種種訶責廣說如
前乃至爲諸苾芻制其學處應如是說

若復苾芻作大住處於門樞邊應安橫居及諸窓牖并安水竇若起牆時是濕泥者應二三重齊橫居處若過者波逸底迦

若復苾芻者謂是六衆大者有二種一施物大二形量大此謂形量大言住處者謂於其中得爲行住坐卧四威儀事作者或自作或使人於門樞邊應安橫居及窓牖水竇若起牆時是濕泥者始從治地築基創起牆壁是濕泥者應二三重布其模鑿若過著者得波逸底迦釋義如上此中犯相其事云何若苾芻爲僧造大寺用濕泥鑿及曳泥模過二三重作者皆得墮罪若是熟軌及以石木或可施主欲得疾成雖過重數並皆無犯又無犯者謂最初犯人或癡狂心亂痛惱所纏時諸苾芻咸皆有疑請世尊曰貝壽闍陀求僧差

優十

十二

作授事人時有何因故尊者舍利子方便遮止而不聽作佛告諸苾芻此舍利子非但今日以善方便遮止闡陀乃往古昔亦曾遮止汝等應聽於過去世雪山之中極深險處有大群鳥依止而住中有鳥王共相統領因遭疾病遂致命終時諸群鳥既無其主更互相欺爲不饒益時諸群鳥共集一處而相告曰我等無主不可久存欲覓鳥王同爲灌頂共相領立我於何處當可得耶去斯不遠有老鵠鵠衆皆議曰此鳥耆宿堪可爲主我等若扶必有弘益去此非遠有一鸚鵡稟性聰慧善識機宜我等共問扶鵠鵠爲主是事可不即共往詣鸚鵡之處問言欲立鵠鵠爲主是事可不于時鸚鵡觀鵠鵠面而說頌曰我不愛鵠鵠 以爲衆鳥主 不瞋面如此

瞋發欲如何

時諸群鳥聞此說已不立爲主便立鸚鵡以爲其主汝諸苾芻勿生異念往時鸚鵡即舍利子是老鷗鷗者即闍陀是昔扶爲主方便遮止今差授事亦方便不聽又無犯者謂最初犯人或癡狂心亂痛惱所纏

第三攝頌曰

不差至日沒 爲食二種衣 同路及乘船

二屏教化食

衆不差教授苾芻尼學處第二十一之一

內中攝頌曰

佛令難鐸迦 教誡苾芻尼 爲說甚深經

皆證阿羅漢

爾時佛在室羅伐城逝多林給孤獨園佛於此處爲夏安居與五千苾芻俱有耆宿苾芻

尼亦在此王園寺而作安居所謂准陀苾芻尼民陀苾芻尼末臘婆苾芻尼大衣苾芻尼善行苾芻尼曠野苾芻尼明月苾芻尼安隱苾芻尼少力苾芻尼惰答彌蓮華色大世主苾芻尼等大聲聞尼感於此住時大世主苾芻尼與五百苾芻尼以爲侍從往詣佛所禮佛足已在一面坐爾時世尊爲大世主等宣說法要示教利喜令歡慶已告言大世主時至可去時大世主聞佛說法頂戴受持禮佛足已即便出去爾時世尊見大世主出去之後告諸苾芻曰汝等應知我今年衰老朽氣力羸憊不復更能爲諸四衆苾芻苾芻尼鄧波索迦鄧波私迦宣說法要汝等從今已去耆宿苾芻應爲次第教授苾芻尼時諸苾芻聞佛教已即依次第而爲教授時具壽難鐸

迦次當教授而不願去教授諸尼時大世主
苾芻尼復與五百苾芻尼往詣佛所廣說如
前乃至禮佛出去佛見大世主出去之後告
阿難陀曰今當次誰教授尼衆阿難陀曰比
來皆是者宿苾芻更次教授今至具壽難鐸

優十

四

迦而情不樂欲教授尼衆時難鐸迦亦在佛
邊衆內而住爾時佛告難鐸迦曰汝當教授
苾芻尼應爲諸尼宣說法要何以故難鐸迦
我當隨力教授苾芻尼汝亦教授苾芻尼我
爲諸尼宣說法要汝亦如是宣說法要由此

收衣鉢齕齒木洗足已旋入房中宴默而住
時難鐸迦於晡後時從定而起著僧伽胝將
一苾芻以爲後從向王園寺欲教授苾芻尼
既至彼已時諸尼衆遙見難鐸迦來白言善
來大德即爲敷座請其安坐時諸苾芻尼禮
難鐸迦足已於一面坐時難鐸迦告諸苾芻
尼曰我今爲諸姊妹說問答法門汝等善聽
若解者言解若不解者言不解於義善解如
理修行於義不決當可覆問大德此言之義
我未能解諸苾芻尼聞是敎已白難鐸迦曰

優一

十五

大德我蒙善敎深生希有慶悅無已如是大
德善敎我等我等咸皆隨所敎事而爲問答
增長獲究竟處汝不應辯敎彼尼衆時難鐸
迦蒙佛教已默然而受時具壽難鐸迦過於
夜分至天曉已於日初分著衣持鉢入室羅
伐城次第乞食既得食已還至本處飯食訖

意內處有我我所不答言大德我不見有何以故大德我等順修正行實作此解以正慧見觀內六處實無有我心生信解了無我故時難鐸迦報諸尼曰善哉姊妹善能解了言所詮義此內六處無我我所如是應知又於外色處有我我所不諸尼答言大德我不見有又問曰姊妹如色既爾乃至聲香味觸法外處有我我所不答言大德我不見有何以故大德我等順修正行實作此解以正慧見觀外六處實無有我心生信解了無我故時難鐸迦報諸尼曰善哉姊妹善能解了言所詮義此外六處無我我所如是應知復次姊妹眼色爲緣能生眼識由此三和能生於觸此觸有我我所不乃至意法識三能生於觸此觸有我我所不答言無有何以故如上廣說乃至如是應知復次姊妹此眼色識三和生觸能生於受此受有我我所不乃至後三因觸生受此受有我我所不答言無有何以故如上廣說乃至如是應知復次姊妹此眼色識三和生觸此觸生受此受生愛此愛有我我所不乃至後三之愛有我我所不答言無有何以故如上廣說乃至如是應知復次姊妹譬如因器油炷及火方有燄生姊妹如燄無常乃至火炷油器皆亦無常姊妹若復有人作如是說器油炷火雖是無常然依此等所生之燄定是堅固不可變壞常住之法如是說時可

優一

十六

說此人爲實語不答言大德斯非實語何以故此器油等皆無常故所生之燄豈得是常姊妹如是內六處無常若復有人作如是說此內六處雖是無常然依此等所生喜樂定是堅固不可變壞常住之法如是說時可說此人爲實語不答言大德斯非實語何以故乃至廣說大德我等順修正行實作此解以正慧見觀內六處皆是無常心生信解由彼法生故此法生彼法滅故此法滅終能獲得寂靜清涼解脫之處難鍛迦報諸尼曰善哉善哉姊妹若能解了言所詮義心生信解了是無常由彼法生故此法生彼法滅故此法滅終能獲得寂靜清涼解脫之處復次姊妹更說譬喻汝等應聽諸有智者以譬喻故能解其義如善屠牛人及諸弟子手執利刀斷其牛命方便剗剥外皮內肉皆不傷損然葉華果真實具足此之大樹根是無常乃至

華葉皆亦無常若復有人作如是說此樹根等皆悉無常然而樹影定是堅固不可變壞常住之法如是說時可說此人爲實語不答言大德斯非實語何以故此之大樹根莖枝葉乃至華果皆悉無常若無根等所依之物能依之影皆不得有難鍛迦曰姊妹外之六處皆悉無常亦復如是若有人來作如是語外之六處皆是無常然而依此所生樂觸定是堅固不可變壞常住之法如是說時可說此人爲實語不答言大德斯非實語何以故廣說如前乃至終能獲得解脫之處復次姊妹更說譬喻汝等應聽諸有智者以譬喻故能解其義如善屠牛人及諸弟子手執利刀斷其牛命方便剗剥外皮內肉皆不傷損然於腹中肝肚腸胃細割斬截悉皆除棄重取

其皮周徧蓋覆姊妹有人見時作如是語此牛與皮相連不別是有命牛可說此人是實語不答言大德斯非實語何以故此屠牛人及餘弟子手執利刀斷牛命時雖不損皮肉然於腹中肝肚腸胃割截除棄但重取皮周徧蓋覆此肉與皮不相連著姊妹我舉此喻欲曉餘義如理應知所言牛者謂有色身麤重四大父母精血羯刺羅等聚集成就復以飲食共相資養假藉塗香及澡浴等終歸磨滅破壞消散言內肉者謂內六處言外皮者謂外六處腹中五藏者謂欲貪等言善屠牛人及餘弟子者謂是多聞利智聲聞弟子言利刀者謂智慧刀謂佛子心持慧劍斬彼相應繫縛煩惱及諸隨惑對治損壞悉皆除棄是故汝等了斯事已當勤修學勿爲放逸後

生悔恨姊妹若於汝等情所染著愛樂之處當善防心染未斷故於可瞋境當善防心瞋未斷故於愚癡境當善防心由癡未斷故於四念住當善護心正觀而住修念住已於七菩提分法應善修習多爲修習於菩提分既修習多修習已於八支道正念成就能除欲漏除欲漏已有漏無明漏心當厭捨生厭捨故便得解脫得解脫已證解脫智見即能了達我生已盡梵行已立所作已辦不受後有汝等姊妹如是應學爾時具壽難鐸迦爲諸尼衆示教利喜宣說法已從座而去既至明日時大世主與五百苾芻尼還至佛所如常威儀聽妙法已禮佛而去佛見大世主出去之後告諸苾芻尼曰汝等觀此難鐸迦爲彼五百苾芻尼正教正誠令得解脫而未證究竟

若於今日而命終者我不見彼諸苾芻尼有一繫縛煩惱而不除斷由斯結惑爲羈絆故重來此世而更受生汝等苾芻譬如白月十四日月在空中人皆觀見咸悉有疑云此明月爲滿不滿然此明月不是圓滿由未究竟故如是難鐸迦苾芻爲彼五百苾芻尼正教正誠令得解脫而未證究竟若於今日而命終者我不見彼諸苾芻尼有一繫縛煩惱而不除斷由斯結惑爲羈絆故重來此世而更受生爾時世尊記彼五百苾芻尼得不還果已告難鐸迦曰汝當教識諸苾芻尼爲說妙法令速出離何以故我及於汝教識諸尼令其解脫時難鐸迦聞佛教已默然受教時具壽難鐸迦至明日已於初分時著衣持鉢入大城中次第乞已還至本處飯食訖收衣鉢

齋齒木澡漱已於外洗足入房宴坐至日晡時從定而起著僧伽胝將一苾芻以爲從者詣王園寺欲教授苾芻尼既至彼已時諸尼衆遙見難鐸迦來白言善來大德即爲敷座請其安坐時諸苾芻尼禮難鐸迦足已於一面坐時難鐸迦爲諸尼衆宣說法要示教利喜既說法已從座而去時大世主苾芻尼將五百尼衆往世尊所禮足已廣說如前乃至禮佛而去爾時世尊尼衆去後告諸苾芻曰汝等觀此難鐸迦苾芻已正教識五百苾芻尼悉令解脫得究竟處不是諸尼衆若於今日而命終者我不見彼一人於生死路而重遊履故於今時盡諸苦際汝等苾芻譬如白月至十五日月處空中人皆觀見無復生疑云此明月爲滿不滿然此明月是極圓滿由

究竟故如是難鐸迦苾芻爲彼五百苾芻尼
正教正誠令得解脫入究竟處若於今日而
命終者流轉路絕不復受生爾時世尊記五
百苾芻尼得阿羅漢果已諸苾芻衆聞佛所

說歡喜信受

卷十

一
十一

根本說一切有部毗柰耶卷第三十

音釋

曠	許	云切	棚	薄耕切
日	入也		胡加	切
蹠	疊	觀切	隙玷	也
也	尊	切	徒	也
剗	祖	尊	點	纏
剥	也	切	也	力
比	羈	切	也	主
角	刀	也	鵝	切
切	斬	也	留	線也
也	也		鵝	切
			鵝	切
			鵝	器
			鵝	也